

Կապադոկիացիներ, Եղադացիներ, ինչպէս նաև մէկ Թեսաղոնիկեցի, մէկ հնդիկ, մէկ սարակիևոս, մէկ արեթուացի: Սոյն ննջեցելոց մէջ կը յիշուին հայ ֆահանայ մը և Յովհաննէս անուն հայ ասրիաւագ մը: (Քողիբայի վանքին պատմութիւնը և նկարագրութիւնը տեսնել շ. Վ. Ե. էջ 369-375):

5. Զաքէոսի տունը եւ ծառը. — Նոր կտակարանի երիքով քաղաքը որ ըստ Պորտոյի անանուն ուխտաւորին 1500 քայլ, և ըստ Թէոդոս սարկաւագին (530) 2000 քայլ հեռու է Եղիսէի աղբիւրէն, նախ կը Քեղի երկու եզերքներուն վրայ կը տարածուէր: Հոս է որ առաջին Քրիստոնեաները ցոյց կուտային այն տեղը ուր կարճահասակ մաքսաւորը ժանտաթղթներին վրայ ելաւ նազովրեցի Յիսուսը տեսնելու համար, եւ ուր ան ուրախութիւնը ունեցաւ լսելու այս խօսքերը. «Զաքէ՛, փութա է՛ջ այդի, զի այսօր ի տան քում արժան է ինձ ազանել»: Լեռնէն իջնելով, կ'ըսէ Պորտոյի ուխտաւորը՝ աջ կողմը կը տեսնուի յիշատակարան մը, ժանտաթղթներին որուն վրայ ելած էր Զաքէոս Յիսուսը տեսնելու համար: Անտոնինոս նմանապէս կը տեսնէ Զաքէոսի ծառը՝ «առանց տանիքի աղօթարանի մը մէջ բովանդակուած», Երուսաղէմ երթալու համար երիքովէն դուրս ելլելէն վերջ (Ղուկ. ԺԹ. 1-10):

Ժանտաթղթներն հոն լաւ կ'աճէր, թէպէտև 1751ին Hasselquist գերմանացին Երիքովի մէջ ժանտաթղթների չտեսաւ. այն ծառը տաք կլիմայի պէտք ունի, ան կը բուսնի ծովեզերքը և Յորդանանի հովտին մէջ. ընդհանրապէս անբնակ լեռներու վրայ չի գտնուիր: Երևոյթներէն դատելով՝ ժանտաթղթներին զօրաւոր ճիւղ-